

20.08.2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ՈՐՈՇՈՒՄ թիվ 030884/09

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 20.08.2021թ. թիվ 30884 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

«ՓԱՆՈՍՅԱՆ» բարեգործական հիմնադրամի տնօրեն Սերաֆինա Փանոսյանը (ՀՎՀՀ՝ 04233759, հասցե՝ Արարատի մարզ, Այնթապ, 4 շարք 12/1) ՀՀ հարկային օրենսգրքի 156-րդ հոդվածի 1-ին մասով սահմանված ժամկետում հարկային մարմին չի ներկայացրել 2021թ.-ի մայիս ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:


Կողմին հայտնաբերելու նպատակով ձեռնարկվել են համապատասխան միջոցառումներ: Գործում առարկություն կամ բացատրություն առկա չէ:

ՀՀ ՊԵԿ տեղեկատվական համակարգում առկա տվյալների ուսումնասիրության արդյունքում պարզվել է, որ Սերաֆինա Փանոսյանի կողմից 2021թ.-ի մայիս ամսվա եկամտային հարկի հաշվարկը ներկայացվել է ՀՀ հարկային օրենսգրքի 156-րդ հոդվածի 1-ին մասով սահմանված ժամկետից ուշ՝ 20.07.2021թ.-ին, որից առաջացած եկամտային հարկի գումարը կազմել է ընդամենը 20.680 ՀՀ դրամ:

Հաշվի առնելով վերոգրյալը և նկատի ունենալով, որ 2021թ.-ի մայիս ամսվա եկամտային հարկի հաշվարկը ներկայացվել է, ինչպես նաև եկամտային հարկի հաշվարկից առաջացած հարկի գումարը կազմել է ընդամենը 20.680 ՀՀ դրամ և վարչական իրավախախտումը նվազ նշանակություն ունի, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21-րդ հոդվածով, 244², 281 հոդվածներով և 282 հոդվածի 1-ին մասի 2-րդ կետով, «Վարչարարության հիմունքների և վարչական վարույթի մասին» ՀՀ օրենքի 8-րդ հոդվածով՝

ՈՐՈՇԵՑԻ

1. Սերաֆինա Փանոսյանին ազատել վարչական պատասխանատվությունից և հայտարարել բանավոր դիտողություն:
2. Սերաֆինա Փանոսյանի վերաբերյալ հարուցված թիվ _____ վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ  Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում այն պարտականությունից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: